

**DECRETO AMPLISS.
ICTORUM ORDINIS
CELEBERRIMAE
BASIL. ACAD. PRO
INSIGNIIS AC...**

Theodor Voss, Valenti Gonzaga





POSIT. I.

APPELLATIONVM usus ut est frequens & antiquissimus, sic quoque necessarius & utilis in omnibus judiciis tam publicis quàm privatis, quippe cùm aut iniquitatem aut imperitiàm judicatum sèpe corrigat & emendet.

II.

Est autè Appellatio ab inferiore iudice ad superiorem ratione gravaminis illati vel inferèdi gradatim facta provocatio.

III.

Species huius duæ sunt, Iudicialis & Extrajudicialis, quarum illa à sententiis & interlocutionibus, hæc à decretis & actibus extrajudicialibus interponitur.

IV.

Appellare possunt condemnari, sive unus, sive plures, & omnes tam suo quàm alieno nomine, dummodò eorū intersit sententiam injustè seu nulliter latam retractari & in melius reformari.

V.

Procurator sive generaliter, sive ad unam causam datus rectè provocat. Num verò appellationem interpositam prosequi teneatur? Affero, sed sub distinctione.

VI.

Hinc de marito in disquisitionem venit, An nomine uxoris sine speciali mādato agere litemq; prosequi possit? Quod in paraphernalibus & dotalitiis: in receptitiis verò bonis non nisi p̄via cautione de rato receptū existimam⁹.

VII.

Et licèt uxor pro marito absente agere vel appellare nequeat, tamen pro libertate & in suprema Curia pro liberando conjugè captivo admittitur.

II X.

Controvertitur quoque, Vtrum dominus pro subditis suis agere vel eos in iudicio absque mandato defendere possit? Quod adhibita distinctione affirmandum censeo.

I X.

Manifestissimi juris est, quemlibet favori suo renunciare & jurisdictione prorogare posse: Vnde si quis ante sententiam in iudicio professus fuerit se non provocaturum, indubitate provocandi auxilium perdidit.

X.

Quinetiam intercluditur via provocandi ob contumaciam & ex eremodicio condemnatis, sponte confessis & convictis simul ob delictum quod statim puniri propter atrocitatem publice interfit, cuiusmodi est latrocinium, seditio, caedes, veneficium, adulterium, raptus, &c.

X I.

Admittitur appellatio regulariter ab omnibus iudicibus tam ordinariis quam delegatis, Non vero à Principis, nec à Praefecti Pretorio, nec à Senatus, nec ab arbitratorum sententiis, ut nec ab Executore, nisi modum exceßerit, appellari posse, & jure & constitutionibus cautum est.

X II.

Neque à sententiis Camerae Imper. provocare fas est, jure tamen communi supplicationis beneficium, cui hodie in Imperio affine Revisionis remedium, succumbenti superesse extra disputationis aleam est positum.

X III.

Non inconcinne hic queritur, A sententia Ecclesiastici in causa profana lata detur ne appellatio ad Cameraam? Num vero à Principe vel Comite Imperii extrajudicialiter gravante ad Cameraam appelletur? Utrobique distinctione nos expediemus.

X IV.

Nobilis est questio, An Dux, Comes possit prescriptione sibi

sibi acquirere, ne ab eo ad Imper. appelletur? Negativam
tanquam juri magis consentaneâ ppugnare conabimur.

XV.

Cæterum appellatio jure Civili per gradus & immediatos saltus ab inferiore ad superiorem regulariter dirigenda est, licet de jure Canonico omisso medio ab superiore interposita valeat.

XVI.

Quid ergo si judex proximior medius justitiam manifestè & expressè denegeret, vel causam spontè ad superiorem remittat aut aliis ex causis suspectus vel inhabilis esset? Huiusmodi casibus omisso medio iudice gravatis provocationis adminiculum competere concludo.

XVII.

Quamvis de jure Can. à quolibet gravamine indistinctè appellare liceat, lege tamen civili appellatio ab Interlocutoriis non nisi in casibus à jure expressis permessa est.

XIX.

Nec tantum in Civilibus sed etiam Criminalibus de jure com. appellandi facultas est, quamvis de cōsuetudine quadam generali in Imperio in Criminalibus, secus obtineat.

XX.

Utrum autem in Camera ad deducendam nullitatem decernatur Citatio? In affirm. sum pronior, modò judex Criminalis immediatè Imperio subiectus sit.

XX.

A' multæ impositione appellari posse cum Bart. & Myns. statuo.

XXI.

Nec silentii pede hic prætereundum, Cuiusvis causæ appellationes ad Cameram non devolvi, nisi summa Privilegium superet aut Ordinationi Cameræ cōformis sit.

XXII.

Hinc viri docti invicem velitantur, Num summæ in-

competentis exceptio etiam post punctum devolutionis ab Appellaro opponi possit? & an à iudice ex officio istiusmodi nullitas ex defectu jurisdictionis promanans attendi debeat? Affirm. æquior & verior videtur.

XXIII.

Non usquequaq; expeditum est, Vtrùm pro fundanda tuendaq; jurisdictione, cùm Privilegium summam non excedat, census sive pensiones cessæ cum sorte principali cumulari queant? Affirmativam legum textibus & auctoritate Dn. Myns. & Gail. adductus amplector.

XXIV.

Cessat tñ hæc ordinationis summa in causis variam pro cuiuslibet affectione æstimationē recipiētibus, utpote in actione injuriarum ac in cōtroversis annuorū reddituū, servituti, jurisdictionū, aliorumq; jurium incorporaliū, necnon quoad Reum Cameræ immediatè subiectum.

XXV.

Verùm num à possessorii iudicii sententia appellare liceat, difficilis est & in praxi quotidiana frequēs quæstio? Negat. placet quoad momentaneum possessorium tam quoad effectum suspensivum quàm devolutivum. Affirm. quoad ordinarium saltè quoad effectum devolutionis.

XXVI.

De jure Canon. appellationes à sententia in quolibet possessorio legitimè interpositæ recipiuntur.

XXVII.

Interponitur appellatio à definitiva vel in continenti viva voce coram iudice à quo apud acta pro tribunali, vel ex intervallo in scriptis.

XXIX.

Ab Interlocutoria aut mera & simplici aut vim definitiva habente: Illa sive in continenti sive post intervallū in scriptis nominatim expressis causæ gravaminib. Hæc non aliter atq; ab ipsis definitivis appellatio instituenda est.

XXIX. Ap-

XXXIX.

Appellanti, si iudicis à quo copia haberi, vel ob violentiam iustam is adiri nequeat, appellationem coram superiore ad quem in scriptis prosequi permittitur.

XXX.

Sed si neutrius copia detur? Et appellat. per prestationē coram Notario & testibus interpositā subsistere assevero.

XXXI.

Omnis a. appellatio siue judicialis siue extrajudicialis à definitiva vel Interlocutoria, intra decendium, nisi gravamen fuerit continuū, à die, hora latæ sententiæ, adeoq; de momento in momentum computando interponitur.

XXXII.

Quid si undecima die provocatio instituta fuerit, an sententia in rem iudicatā transiisse dicatur? Neg. communis est & præjudiciis Camerę confirmata, dummodò appellationem in Instrumento ante horam & momentum sententiæ prima die latæ interpositam esse exprimatur.

XXXIII.

Estq; hoc tempus decendii continuum, ita ut solennes etiam ferias includat, neque partium compromisso, nec iudicis permissione extendi possit.

XXXIV.

Luber hīc indagare, Vtrū à sententia quantumcunq; conditionali appellandum sit vel potius expectandus eventus? Et intra decendiū à tempore promulgationis sententiæ provocandū Mynf. & Gail. aiunt, quib. subscribo.

XXXV.

Appellatione interposita apostoli siue literæ dimissorię intra terminum juris nempe 30. dierum vel hominis petendę sunt, quas nisi appellans instanter & sepius petitas introduxerit, appellatio deserta efficitur.

XXXVI.

Quod tamē ex Ordinatione Camerę Imp. p. 2. tit. 30. §. 1. prorsus non est necessarium, sed omitti impunè potest.

XXXVII.

Introducendæ appellationis tempus de jure communi hodie in usu non est, in Ordinatione tamen Cameræ lex mentes introducendæ appellationi (excepta spoliū causa) constituti sunt, qui etiam expresso partium consensu & à iudice appellationis prorogari possunt.

XXXIX.

Tempus psequendæ & finiendæ appellationis annus est, aut, si iusta causa intercesserit, biennium, quo etiam transacto appellationis causa non finita rata manet sententia, licet in Cōsistorio Principis regulariter huiusmodi fatalia psequendæ appellationis ob multitudinem causarum non attendantur.

XXXIX.

Effectus appellationis est, quod ea pendente sententia suspenditur, iudici à quo quasi manus constringuntur, ne quid amplius in causa innoveat vel attingat; Ab Interlocutoria verò non aliter nisi Inhibitio decreta sit.

XL.

Appellatio si fuerit deserta, iudex à quo sententiā suam exequetur; si autem non fuerit deserta, iudici ad quem incumbet executio.

XLI.

At, an deserto appellationis beneficio de nullitate sententiæ adhuc principaliter agi possit, nodus est discussionis dignus? Affirmantium partes in me recipiam.

XLII.

Colophonem imponant hæc q̃stiones: Vtrum si partes utrinq; ab appellatione interposita discesserint, postmodum communi consensu ad appellationem redire eamq; psequi possint? Et an remota appellatione pacto nullitas censeatur sublata? Negativam in utroq; membro defendere placet.

F I N I S.